

اداره مخصوصه

درسعادتنده باب عالی جاده سنده

محل اداره :

مشارف

اخطار :

مسئله کوزه موافق آثار جدیدیه مع المنوئیه

قبول اولنور

درج ابدلهین آثار اعاده اولنور

دین ، فلسفه ، ادبیات ، حقوق و علوم دن باحث هفته لاق رساله در

مؤسسه لری : ابوالعلا زین العابدین - ح . اشرف ادیب

درسعادتنده نسخه یی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادتنده

ولایاتده

ممالک اجنبیه ده

درسعادتنده پوسته ایله کوندریلیرسه ولایات بدلی اخذ اولنور

ایکنجی جلد

۱۹ رجب ۳۲۷ پنجشنبه ۲۳ تموز ۳۲۵

عدد : ۴۸

اوستاد سخن که محرر فقیر طرفه نه قدر توجهی اولدیغی چشمه زار
فضل و کالیدن رشحه باش التفات اولان شو نشیده غرا ارانه ایدر :

ای افصح و ابلیغ امانل وی مرجع و ملجأ افاضل
ای حضرت حق هزور وی عارف نکته سنج و فاضل
اسرار بلاغتکله دلدن اولدی شہات جبر زائل
بومشکلی حله چوق صواشدی اسلافدن طلمان عامل
کوسترمدیلر بزه محقق بویخنده برمتین دلائل
صد شکرکه حل مشکل ایتدی ذاتک کبی بر حکیم کامل
حلال مشاکل بلاغت کشف غوامض مسائل
ای نام تو زیور زبانها وی یاد تو زینت محافل
بر تحفه که ایدمشدک احسان بوعبد کینه اولدی واصل
اول هدیه جان بهایه دیرسم شایسته در احسن الرسائل
عاجز در انک تشکرندن بوبنده یزبان و جاهل
سن کندی بیوک لککله ایتدک بونجه بنی التفات نائل
بن قنده اوالتفات قده بالله دکم اولطفه قابل
حقا بنی محو صرف قیلدی ذاتکده کی اول نکو خصائل
دنیا ده کورلماش بواصلا برقطرہ به بحر اید [تمایل]
یاخفص جناح برله خورشید برذرہ به ایلہ [تقابل]
یارب بونه حلم ونه تواضع یارب بونه علم ونه فضائل
تصدیقی براق دعا قیل اختر بوخیر دعادن اولمه غافل
الطاف جلیلی خداوند ایتسون سکا هر زمانده شامل
اولسون بزه چوق مؤلفاتک زیب ید وزینت انامل

صکره مهدی افندی بکا : سز بایلیکه دائر عکاده کی ظواهر
حالی حکایه ایدیورسه کزینده سزه شو کتابک بایلیکه متعلق محتویاتی
و تحقیقات و تدقیقاتی ارانه ایدرم دیهرک یاننده بولنان برکتابی ویردی.
بوکتاب ، ایران رئیس حکمائی میرزا محمد مهدی خانک ۱۳۲۱ سنه
هجریه سنده مصرده طبع ایدلمش «مفتاح باب الابواب» نام عربجه بر اثر ایدرم.
مؤلف کتاب ، باب تلقیب اولنان مؤسس مسالک میرزا علی
محمدک نبوت ادعاسنه قیام ایدلمش اولدیغی سویله یور . متنی مذکور
ایله بعض اجله اتباعک تراجم احوالی و بونلرک بو صحیفه لرده نقل
و حکایه سنندن خامه تحریرک ابا ایلدیکی اقوال و معتقداتی عنعنہ سی
و بعض وثیقه لر علاوه سیله یازیور . بابک کویا اسلوب کلام الله تعالید
سویلمش اولدی بی بعض عجائب و غرائب عبارده لرده ذکر ایتمش .
کتابی اوقوینجه مندرجاتی جرح و ابطال ایدمک سلاح مدافعه به
مالک اولمديغمدن لال و ابکم قالدیم .

برکت زاده اسماعیل حق

بقیه سی وار

مکتوب

(صراط مستقیم) ک صوتک نسخه سنده کی «یاد ماضی» ده عکایه
دائر اعطا بیوریلان معلومات صره سنده «کبری» صوبی حقنده
از جمله : برکت ویرسون بز اوراده ایکن حکومت محلیه نک برخیلی
مدت خواب کرانه طلمان اولان عزم و همتی اوایندی ده خارجدن

طاش کونکرک کتوردیلرک صو کافی السابق شهره قدر اساله ایدلدی ،
قره سی مصادف نظر عاجزانم اولدی .

بو همت مشکوره صرف پدر مرحومه راجع اولمسنه و خاکپا
یکزله صوک اشرفده ایسه عکایه دائر بعض نقاط سؤال و استکناه
بیورلمسنه بنسائ تنویر افکار عالیترینه خدمت ایدر امیدیه کبری
صوبینه دائرده بروجہ زیر عرض معلوماتی وجیهه دن عد ایلدم .

پدرم مصطفی ضیا پاشا مرحوم عکایه مواصلتده کبری صوبی
عکایه جاب و اساله ایلیمک اوزره سنه لردنبری تشکیل ایدلمش بر
قومیسون بولمشدی . ظاهراً صوبی بر آن اول عکایه جله مأمور
اولان اشبو قومیسونک حقیقت حاله رئیس وکاتبی بویوزدن آلمده
اولدقلری ضم معاشدن ، ویرلبدن مرکب اعضاسیده هر بری مالک
اولدقلری قرقر الیشر مرکبه هر کون نعمین نهرینک آجی صوبی
قصبه به طاشیتہرق فقرای اهلینک اوسایده برچوق باره سنی درجیب
ایتمکدن محروم قالمق ایچون ایشی سورنجمده برافه رق الی ماشاه
تطویل و تمویقه جالیشدیغنی تحقیق ایتمه سی اوزرینه ایلک اجرا آتی
قومیسون لگو ایتدرمک اوامش و کندوسی بالذات نظارت ایدمک
بش آلتی آی طرفه و «یاد ماضی» ده اشارت بیوردیفکرز و جهله
بهجه دن عکایه قدر اولان قسمی ده جسم طاش کونکرکله اکال
واساله به موفقیت حصوله کلشدر .

مصطفی نادر

مدیر فکر

قامیل فلاماریون (طبیعتده خالق) نامنده کی اثرنده دیورکه :
«هر زمان اسلافک ذات باری حقنده کی فکرلری بولندقلری دورک
سویه عرفانیله متناسب ایدی .»

حال بو مرکزده اولور ، عقلک جناب حق توصیف ایچون
بوله ییله جکی هر وصف اونک مقام صمدیتندن مرحله لرجه ، دنیا لرجه
اشاغیده قالیرسه ، دهاطوغریسی آرهدن آز بروقت کچوبده عظمت
الهی ناطق اولان علم بر آز دها ترقی ایتدیکی زمان ماضیده کی
عقل ایله تصور ایدیلان او صاف مستقبله کی عقلک حضورنده اک
واپسین بر درکه به اینرسه آرتق فصل اولورده انسان کمال اللهک
بوتون کالاتک فوقسنده اولدیغنه اعتقاد ایتز ؟ فصل اولورده ذات
الهیسنی بزه قارشئ مستور بولندیران پرده لری شو قیصه عقل ایله
قالدیرمه به هجوم ایتمه نک عفو اولماز بر جرأت اولدیغنی ، هر فطرت
سلیمه صاحبه دوشن وجیهه نک ایسه وجود باری حقنده کی حس
وجدانیسیله اکتفا ایدمک ذاتی ادراک خصوصنده کی عجزینی اقراره
منحصر قاله جقی آکلاماز ؟

ایشته اسلامده تنزیه باری بو صورته درکه دیانت فطریه اصحابیده
سرالسراری مشرق ارواح و انواری شوبله طورسون ، شو محسوس اولان
ماده نک سرینی احاطه ادعاسنک بیله برجهل شین آور اولدیغنی علوم
طبیعیه لری دلائیل کوردکدن صوکره عین نقطه تنزیه رجوع ایتشلردر .